

精也。居少陽之乙卯，吉將也。雷公六律曰：天一光祿大夫，主和合吉事，勾陣者雷電之精也。居太陽戌辰，雷公六律曰：天一大將軍也，凶將也。主戰鬪，多傷敗青龍者太陽之精也。居少陽之甲寅，雷公六律曰：天一左丞相，吉將也。主喜慶事。天后者水之精也。居太陽之癸亥，雷公六律曰：天一綵女也，吉將也。主蔽匿事。太陰者金之精也。居少陽之辛酉，雷公六律曰：天一御史中丞，吉將也。主陰私事也。玄武者北方七星之精也。居少陰之壬子，雷公六律曰：天一之後將也，凶將也。主逃亡，離別，盜賊。若與風伯雨師二神并，必有盜賊。太常者土之精也。居少陰之己未，雷公六律曰：天一太常卿，吉將也。主財帛，白虎者西方七星之精也。居少陰之庚申，雷公六律曰：天一逆尉也，凶將也。主囚禁骸骨。天空者斗魁之精也。居少陰之戊戌，雷公六律曰：天一宜師，一作直凶將也。主欺詐事。

〔武備志二百七十七〕奇門

茅子曰：奇門之說，昭然于天下也。而精之者寡，非學之者不衆也。蓋其故有三：飛宮之法，合于洛書，然其離合變化，雖至熟者，而或淆其難一，超神接氣，奇門之本也。而置閏之法，曆家專門之所難，而欲定于倉卒，其難二分。局定盤說，亦瑣矣。約之者，欲以十八局而盡一千八十局之變，廣之者，雖以千八十局而不足以究十八局之微，其難三。兼之推明其吉凶，則首趨避，首趨避則事符呪，事符呪而尅應步罡，諸說集興，其言驗而不可以訓也。其言不驗，而不可以傳也。于是而精者寡矣。有得我同然者，著玄覽，其衡子以定宮，至簡也。酌法以置閏，至明也。因盤以布局，至約也。明乎三者，而思過半矣。景祐遁甲符應經者，宋景祐時人所著也。博而析，卓哉莫之過也。刪其起例，同于玄覽者，而爲之纂。于是乎言奇門而不精，非教之罪也。六甲者貴神也。六丁者尤貴者也。乘造化之精靈，而幹運陰陽之際，得其竅，可以制之。其專門之學，有煉器煉形，祭禱符籙，要之皆奇門之緒也。有其約略而不詳，所以訓所以傳也。

○中略

右四圖乃張子房所遺之一十八局，至今用之，第每一局爲一圖，共十八圖，既拘泥而不能相通，且推